

Decleraziun da taglia electronica ed ulteriuras novaziuns

■ (cc) La regenza metta en vigur las suandantas leschas ch' il cussegl grond dal Grischun aveva revedì parzialmain e concluda l' adattaziun da las ordinaziuns resp. da las disposiziuns executivas appartegentas:

Lescha da taglia. La revisiun parziala da la lescha chantunala da taglia vegn messa en vigur per il 1. da schaner 2013. Quai cun excepziun da singuls artitgels che suondan pli tard ensemen cun las disposiziuns correspondentas da la lescha federala davart la taglia federala directa. En il rom da la revisiun da la lescha è er las disposiziuns executivas tar la legislaziun da taglia vegnidadas sutta messas ad ina revisiun parziala. Da nov vegn l' administraziun da taglia autorisada da dar – a partir da la perioda fiscal 2012 – la pussaivladad d' inoltrar la decleraziun da taglia sin via electronica. L' introducziun è prevista en il rom d' ina fasa da test durant la segunda mesad da l' onn 2013 per la decleraziun da taglia 2012 ed en general a partir da la decleraziun da

taglia 2013. Las pajataglias ed ils pajataglias pon pia tscherner en l' avegnir sch' ellas ed els vulan inoltrar lur decleraziun da taglia sin via electronica.

Lescha per promover la tgira da persunas malsaunas. La revisiun parziala da la lescha per promover la tgira da persunas malsaunas e l' assistenza da persunas attempadas e da persunas che basegnan tgira (lescha per promover la tgira da persunas malsaunas) vegn messa en vigur per il 1. da schaner 2013. Qua tras vegnan fixadas sin il stgalim da la lescha las pretendisuns chantunalas che ston vegnir adimplidas – supplementarmain a las prescripziuns federalas – dals furniturs da prestaziuns che s' annunzian per s' inscriver sin la glista dals ospitals resp. per survegnir ina incarica da prestaziun. Medemamain vegn stgaffida ina basa legala per pudair ordinar sancziuns envers furniturs da prestaziuns che n' adempleschan betg l' incarica da prestaziun.

Per pudair realisar las prescripziuns federalas tar la nova planisaziun dals ospitals

sto vegnir adattada – ultra da la lescha – er l' ordinaziun appartegenta. La regenza ha concludì ina revisiun parziala correspondentada da l' ordinaziun tar la lescha per promover la tgira da persunas malsaunas. Er disposiziuns en connex cun la nova finanziaziun dals ospitals èn vegnidadas midadas. Differentes artitgels da l' ordinaziun èn ultra da quai vegnidadas adattadas a novas noziuns e designaziuns.

Lescha davart ils supplements da famiglia. La revisiun parziala da la lescha davart ils supplements da famiglia vegn messa en vigur per il 1. da schaner 2013. Sin basa da la revisiun da la lescha ston er vegnir adattadas las disposiziuns executivas appartegentas, perquai che tut las persunas cun activitad da gudogn (pia er quellas cun activitad da gudogn independenta) en professiuns betg agriculas han da nov il dretg da survegnir supplements da famiglia. La regenza ha approvà ina revisiun parziala correspondentada da las disposiziuns executivas tar la lescha davart ils supplements da famiglia.